

CIMELIA


0


1488



1488 -

CIMELIA





AD ARCHIE-
PISCOPOS. EPISCOPOS
ET PRESBYTEROS EC-

clesiarum Sarmaticarum ANDREÆ
FRICII Modreuij ORATIO
Tercia de pœna homicidij.

Cracouię apud Hieronymum
Victorem, Anno, M, D, XLV.

THOMÆ SOBOTIO. RE-
GNI POLONIAE CANCELLA-
rio, Burgrauio Cracouiensi. Tribuno
Lanciciensi, & Capitaneo Rauē-
si, viro Nobili & Magnifi-
co, Andreas Fricius
.S.D:

NON possum adhuc, uir clarissimæ finem facere
de lege diuina in homicidas scribendi. Non quod
putem me magnum nostra scriptione operæ prætium fa-
cere posse in ea Rep. ubi nostra hæc studia à nonnullis
ridentur, ab alijs uituperentur, à paucis certè benignè ac-
cipiuntur: Sed quod tempus ac otium nostrum in ijs me-
ditandis libentissimè consumimus, quæ ad Remp. & re-
ligionè conseruandã quoquomodo pertinere uideantur.
Quo te etiam studio ac uoluntate esse cum multorum fa-
miliarium tuorum sermonibus cognoui. tum ipse ex col-
loquijs mutuis nostris penitus perspexi. Sed tua tamen
studia longe & multum studijs nostris ad splendorem &
utilitatem antecellunt, Etenim Quicquid nos ingeniolo
ac opera consequimur nostra, id omne in contemplando
ac scribendo continetur, Tu autem qui in maxima cele-
britate & tanquã in clarissima luce uersaris, studia &
curas tuas ad negotia & salutem Reip. conuertis. Cuius
quidem rei efficiendæ amplissimam occasiensem naetus es,
cum tibi nuper, Cancellarij munus traditum ac mandatū
esset: qui pro tua doctrina, uirtute, & in omni officio ad

A ij ministrandè

ministrando sedulitate, alijs in rebus perspecta, nihil
sis eorū prætermisurus. quæ ad Reip. salutem & digni-
tatem pertinebunt. Etenim si quis recte reputet, amplissi-
ma est tanquam materies cancellario subiecta, quâ tra-
ctet, in qua uirtutem exerceat, ac de Rep. uniuersa mere-
atur. Itaq; & Reip. custos, & priuatarum cuiusq; rerū
administer, & principis sui cor non immerito existima-
tur. Quod tu cum olim probè scires, ita semper & in
studijs literarum: quod ex tuo sermone facile apparet: et
in aula regis uersatus es, ut & multis muneribus fun-
gendis, & legationibus amplissimis obeundis, & summo
Cancellarij officio exequendo dignus putareris. Atque
utinā quā plurimos haberemus in hac Rep. similibus stu-
dijs incēsos. Profecto nō dubitarem nō modo hanc impiā
uite humane nundinationem: sed etiam reliquam, si quæ
extaret, barbariem, ex nostra Rep. breui tempore expul-
sum iri. Mitto igitur tibi tertiam orationē de poena ho-
micidij nostram: non quidem adhuc perfectam neq; satis
expolitam. Eam ita scripsi, ut si ad Episcopos & præ-
byteros Sarmaticos haberetur: ut quoniam primam or-
ationem inscripsi Regi. Secundam ita scripsi quasi ad
Senatum & ordines regni habita fuisset. Hæc tertia sit
ad ordinem ecclesiasticū. Hanc mi patrone pro tua in me
beneuolentia & in literas summo studio tuo, uelut legas
eo animo, quo cæteras nugas nostras legere consueuisti.
Quod si quid tibi uel addendum uel mutandum uideatur,
de eo si me admonueris, rem facies summa humanitate
tua dignam, mihiq; non minus gratam quàm necessariā.
Sunt qui putent his inscriptionibus, me aliquem facere
questum

questum. Alij tantum in hoc me chartas polluere aiunt,
ut his principi subiectis occasionem habeam de iniurijs
aduersarij mei querendi. Verum ego non alium uellem
laboris mei ampliorem questum quàm si lex diuina in
Rēp. Christianā reciperetur. Etenim de aduersario despe-
rare iā cogor, quādo opes eius & gratia maior est, quā
ut ab homine tenui, quāuis ius omne obtinenti, uinci pos-
sit, præsertim cum iudici causam non libeat cognoscere
nostram. Quem ego quoties de hoc iudicio appellauit
quoties supplicibus uerbis orauit, non ut gratia aliquem
mihi apud se (quod iuste negare posset) relinqueret lo-
cum: sed ut uel summo iure aduersus me uteretur: quo-
ties professus sum me in beneficij loco positurum esse,
etiam si res à me abiudicaretur. Tantum ut ne eā aduer-
sarius sua libidine sed iudicis sententia possideret. Neq;
deerant uiri graues & gratiosi, qui pro me supplica-
rent. Sed frustra omnia & infructuose petita sunt. Quid
igitur deinceps à tali iudice mihi petendum esset quàm
ut ignoscat, quòd de eo aliquando bene speraui. Sed hæc
fortasse nō sunt huius tēporis, nisi quòd hæc apud te tace-
re nō potui, qui earū rerū conscius mihi fueris. Quod ue-
rò munerum causa aliquibus scribere putamur, uanius est
quàm ut reselli debeat. Omnino maximis me muneribus
affectum putabo, si quando diem illum uidere conti-
gerit, cum Deo nostro cū lege sua suus honos datus fu-
erit in hac Repub. Sed & hæc hæcenus. ad rem redeo.
Commendaui tibi olim orationes nostras, sed tū ut uirō
nobilissimo & homini gratiosissimo commendaui, ut tua

authoritate alijs essent cōmendatiores. Nunc Cancellario
regni cōmendo, nō ut iam eas tantū ab obrectatoribus,
quod ad huc humanissime fecisti, defendas: sed ut legis
quam tueor suadendæ, & numatiōis profligandæ onus,
vra cū officio Cācellarij, publice tibi impositū intelligas:
sciat te pro tua singulari prudētia intelligere certō scio.
Res magna est & periculi plenissima, tot capitū hydrā
superare ac conficere. sed meministi in rebus arduis uir-
tutem uersari: ad eamq; non nisi labore, sudore, & sum-
ma uirium contentione perueniri. Neq; illud ignoras, id
quod & mihi est compertissimū, multos esse in hac Rep.
uiros principes, quibus persuasum est hanc homicidis poe-
nā omni iure, deberi, quā nos suademus. Qui si uirtutē
illam ad ardua tendentem, si grauitatem et constantiam
in dicendo & tuendo id quod sentiunt adhiberent: sē-
cūdiā pro ueritate sibi perspecta perferre uellēt, non e-
dem dubitarē quin legi diuinæ apud nos iā locus debitus
esset. Sed uarijs in contrariā partē distrahuntur studijs.
Quorum alij uulgo equitū cedes molientū, placere, alij
odīa per ditorū hominū fugere uolunt, alij alia sequuntur
studia. Utinam uerō animos eorū Deus ab hisce studijs
præposteris ad uirtutē & ueritatē sibi perspectā colendā
ac defendendā conuertat. Te quidē ipsum ad eam rem et
honus ipse quo auctus es amplissimus, & rationes uite
tue in præclaris disciplinis à purro uersate non leuiter
cōhortātur. Præclare hoc à sapiētibus dicitur. Magistra
tua uirū ostendit, neq; illud uel mediocriter literatis igno-
tur.

ratur, literis hominē ad uirtutē colendā ac tuendam ad-
iuuari. Itaq; duos habes acerrimos admonitores, qui te
dies noctesq; ad uirtutē & ueritatē diuinā adhortētur,
Cui quidem ueritati defendendæ immorū pulchrū & be-
atum est, ab ea deficere, turpe & exitiosum. Sed tu nōn
eges admonitione nostra. Hæc autē scripsi non inflam-
mādi tui: sed uoluntatis ac studij erga te mei testificandi cau-
sa. Deum præcor opt. max. ut & tibi hunc hono-
rem fortunet, & tu in eo de Rep. quā optime
mereri possis, Vale viij. kal. Iul. Anno
Christi .M. LXXV. Breznij.

AD ARCHI

EPISCOPOS EPISCOPOS.

& presbyteros Ecclesiarum Sarmaticarum,

ANDREAE Fricij Modreuj O

ratio tertia de poena homicidij.



Sisi vereor, Antistites & presbyteri factorū, ac interpretes religionum sanctissimi, ne quem offendat hoc nostrum toties repetitum, de lege diuina in homicidas, dicendi studium: Tamen humanitas & prudentia vestra, hoc amplissimo ordine vestro digna, misericē reficit & recreat me sperantem fore, vt hoc officium meum pietas u, quam filius patrię debeo, assignetis. Hoc enim statuo pietatis officium esse summum, dare in id operam, vt Reip. Christianę lex diuina restitatur. Ea inquam, lex, cuius obseruatione salus reip. & religionis dignitas possit maxime contineri. Sic etiam iudico neq; mihi licere neq; esse integrū, vt me ab ea causa subtraham, quam semel suscepi tuendam. Laudantur enim ab omnibus qui in re honesta non defatigantur: contra qui oneri cedat, vituperantur, pro inertibus ac desertoribus habentur

habentur: Cūm quidem illud in more positū sit, vt nemo ad eam causam libēter animum adiungat, quam ab alio videat quasi occupatam; Tamen si per me quidē vnicuiq; liceret, in re tanti momenti vires exerere, ac patrię periclitanti lumen ostendere animi & consilij sui, Neq; tamen ignoro quosdā esse, qui paruitate nostra offendantur, quōd homo nec ingenio, nec eloquentia, nec dignitate excel lens, argumentum hoc iustis orationibus primus in hac Rep. tractare sim ausus: qui etiā, si dñs placet, putant homini priuato hanc tractationem minime licere. Sed quoniam difficile est omnium voluntati satisfacere, vt vel dicēdo offensionem vel tacendo reprehensionem omnium vitare possim: queso liceat mihi per vos in hoc quasi campo adhuc excurrere: quē ego ab hinc ferē triennium nescio quo impulsu ingressus sum. Etsi em̄ nihil habeo vel solide eruditionis vel eloquētię: quę res duę iure suo assererent me ab iniuria contēptionis: Tamen religionis quadam pietate obstrictū me esse Reip. puto, vt ei adhuc hoc officium p mea parte, cessantibus alijs, prestem. Quid quod res ipsa, quam tracto, eiusmodi est, vt mihi beneuolentiā omnium esset cōciliatura: nam est & fauorabilis sponte sua, & de earū numero quę in sermōibus omniū versentur.

Av

Queso

Quæso igitur, ut cum rebus magnis superse-
deam, hæc mihi cum bona omnium gratia tra-
tractare liceat, quæ protrita sunt, & amplissi-
mum dicendi campum unicuique suppeditare
possunt. Et quoniam in Senatu orationi nos-
træ, qua omni iure humano & diuino fulta,
per Christi sanguinem, perque sacra omnia usi
sumus, nullus erat locus: ad vos patres atque
ad hoc collegium amplissimum vestrum confu-
gendum esse duxi. Quem enim in re tanta ap-
pellam alium, quem implorem, præter vos in
hac Rep. habeo neminem. Versata est olim
Aстреa, quam eandem Iustitiam interpretari
licet, inter homines in terris, quemadmodum
est in fabulis, præceptaque tradebat morum ad
vitam honeste degendam necessaria, sed spreta
ab hominibus, terras deseruit, ad cælumque as-
scendit. Itaque putate iustitiam ab hominibus de-
sertam, nunc ad vos venire, tanquam ad quoddam
suum cælum, ad vos res cælestes tractantes
confugere, a vobis petere, ne se velit esse de-
sertam. Nam quod magis Iustitiam decet quam
hominum vitas tueri? Quid autem hominibus cæ-
lestibus magis convenit quam huius animan-
tis vitam quam tutissimam reddere, cuius cau-
sa & cælum conditum sit, & hæc rerum cum
cætarum moles uniuersa? Neque vero putate pa-
tres causam hanc rationibus muneris vestri
aduer

aduersari obesseque, aut macula sanguinis vos
ex hac dicenda sententia aspersum iri. Quinimo
proprium hoc ordinis vestri esse putate de iu-
re diuino, cuius interpretes estis & doctores,
verissime & fortissime respondere. Etenim ut
vobis sedere in tribunali contra homicidas non
liceat: licet tamen certe & in concione et in Se-
nato de ea poena pronunciare, quæ diuinitus
homicidis sancita est. Christus ipse neminem
vnuquam capitis condemnauit, & tamen idem ex
lege diuina pronunciat, eum qui gladium usus-
pet, gladio perire debere. Nos vero non postu-
lamus a vobis, ut sedeatis iudices in homici-
das: sed ut quæ de supplicio illis debito, lex di-
uina decreuit, ea vestris suffragiis comprobetis.
Vestrum est munus, vestre partes, eas leges
tueri & confirmare, quæ ab illo Deo profecte
sunt, cuius vices in terris vos mortalium omnium
maxime geritis. Quæso igitur ut me attente
audiatis de re diuinitus tradita orantem: atque
exquisitum iudicium doctrine vestre adhibea-
tis ad nostram orationem: cuius vos non auditores
tantum, sed iudices esse cupio: a vobisque sen-
tentiam ferri tandem qua decernatis, an lex Dei
immortalis in Reip. Christianam recipienda
sit, an vero prorsus ex ea reicienda: quid enim
tertium restat? Nam cui per Deum immor-
talem stomachum non faciant frigidi illi au-
ditores

ditores, qui vel non attente audiant que proponuntur, vel si audiant. Tamen nec approbare, nec reprobare aut sciant aut velint; multo vero magis isti, quam temeritati sue plus velint loci esse in Rep. quam ulli rationi; neque aliud crepent quam tyrannicum illud ex tragedia. Hoc volo, sic iubeo, sit pro ratione voluntas. Neque vero committam patres ut vos detineam longa oratione. Summas argumentorum proponam, ac quasi epilogum addam eorum quidem que prioribus orationibus tractavi. Deinde quantum scelus sit in hac legis diuine conculcatione ostendam. Postremo remedium indicabo, quod quasi cauterium per vos huic morbo applicandum putem. **HOC** igitur initium ac fundamentum poene in homicidas capitalis constituende esto, iussum & decretum Dei immortalis, quo ille edixit eius sanguinem effundi debere, qui hominis sanguinem effudit: neque accipiendum precium ab eo qui sanguinis sit reus, sed statim eum quoque mori oportere: Et Christus multorum seculorum intervallo in eandem sententiam eum gladio perire necesse esse, qui gladio utatur. Si nihil aliud nisi de iure ac lege diuina dicendum fuerit, nihil dico amplius patres, causa dicta est. Quid enim ad persuadendum firmitus debet esse homini Christiano, quam decretum & volun-

tas

tas summi Dei: Quis deo resistere, quis legem eius abrogare ausit; Qui Senatus, qui populi, qui tribuni, qui proceres, qui equites sunt tanti, ut eorum auctoritas preferenda sit auctoritati diuine? Huic decreto & rerum natura subscripsit, & populi gentium omnium exterarum. Cur igitur sola natio nostra contradicit? Quod vero precium esse dignum potest hominis vite persoluede? Cur pluris res furtim ablate estimande sunt quam hominum vite? Si equi iacturam non aliter sarcimus quam vita furi eripienda, cur vitam hominis pecunia redimi patimur? Dura mehercule hec est hominum conditio in hac Rep. ubi iumenta pluris fiunt hominibus, Atqui illa condita sunt nostra causa: nec sue domi habitant sed nostre; nec fructibus utuntur terre nisi ut nobis vsui esse possint, Quoadmodum a Davide de dei beneficijs preclare scriptum est hisce verbis, Qui producit iumentis foenum & herbam seruituti hominum. Volumus ne seruos & mancipia multo prestantiore conditione esse domi aliene, quam ipsos heredes sue? nobis vero non tantum iumenta, sed res quamlibet leues, modo decem numis grossis content, chariores sunt quam hominum vite. O leges preclaras, Furi laqueo vitam abrumpto; homicidę scelus suum pecunia luere fas esto,

esto. Quis cacodemon author legis huius & consuator fuisse putandus est? putatis ne hunc hominum amicum fuisse? Quae pestis funestior irumpere potuit in naturam humanam? Serpente enim nunc, grassatur impune in hominum vitas. Nullus finis, nullus modus homicidiorum Gladiatorum & lanistarum plene sunt omnia. sanguis humanus effunditur. gladius e corpore recens extracti in compositationibus animi causa ostenduntur. tyrones multi ad tales pugnas deliguntur, cruore hominum quam recentissimo ora illorum & frontes illinuntur. hisce ritibus & ipsi myste sacris suis iniantur, & gladius eorum certis ac destinatis cedibus deuotentur. Quid autem mirum haec fieri in Repub. ubi mores ad tantam licentiam incubuerunt? ubi plerique equitum nobilitatem suam carnificina putant fieri illustriorem? Qui quot marcarum nostraticum denarios numerare possint, tot plebeios: quot uero centenarios tot sui similes interficere audent. Quam autem putamus causam esse, patres, tot scelerum, tantarum, impietatum? Quam nisi legis diuinae contempionem & conculationem? Qua in re quantum sceleris insit, quantum turpitudinis, iam ostendendum mihi puto. Id enim erat de quo me secundo loco dicturum receperam. Aberratum est longissime,

me, patres, a via recta, a veritate, & a deo, ipso, posteaquam numationi in hac Rep. regnandi licentia permissa est. Quae enim per deum immortalem recti via insistere potest qui a verborum dei via deflexit? Quam veritatem inuenire qui se rationibus falsi obstrinxit? Quem ducem ille, qui deum & eius verbum eiurauit, sequetur praeter diabolum? Per enim hoc scite a theologis mihi usurpatum videtur, cum hominem equo compararunt, qui alterum triessorem deo diaboloue sit praesto. Quod si ille permisisset se deo insidendum, habiturus esset sessorem peritissimum, talem nimirum, qui equis passibus gubernaret vltro euntem: restitanti excitaret: coerceret exultantem: lasciuientem in gyros moderate flecteret: ac via recta insistere faceret. Sin diabolo, eum quidem fore sessorem stolidissimum, qui immoderate vtatur iumento suo: nihil pensi habeat planus locus sit an montosus, praecipit ne an decliuus quam decurrendum sit: quae quoque versum cursum semper: compositae nunquam progrediatur: per loca inuia, abrupta, & saxis horrentia discurrat: atque ad ferocitatem & omnem insolentiam iumentum impellat. Elegans profecto mihi haec pictura visa est eorum hominum, qui Deo excusso, verbo eius tanquam freno confraeto ac conculcato, diabolo sese regedos per

miserunt. Hęc enim recta erat via, hęc ratio
à Deo constituta puniendi homicidā, vt san-
guis suus effunderetur. Sed cum defleximus
ab illa via, qđ aliud restabat, quā vt in auitū
nos & errores cōijceremus. Quā enim hoc
est autum, quā à lege Dei discrepans, vitas
hominum pecunia estimare, quas filius Dei
non alio precio, quā sanguine suo redimē-
das putauit. Deinde quā hoc à via longe,
lateq; aberrans, cum vitę hominū equa sorte
in hanc lucem educiturum, sibi inter ipsos cō-
sanguineorum, sub vnam eandemq; Dei tu-
telam subiectorum, eodem Christi sanguine
redemptorum, eandem regni cōlestis gloriā
expectantium, horum quidem denis, illorum
autē centenis numorum marcis estimantur.
Postremo quā illud non autum modō, qđ
tollerabilius esset, sed tanquā ē saxis ac rupe
horrēti auulsum, stridet cadendo, ferturq; ma-
gna vi, non in vllā planiciem, sed in loca visu
fœda, confragosa, & pręrupta omnia, dum
ita dicitur, plebeius nobilē occidens occiditō:
nobilis plebeium interficiens, marcas numo-
rum decem numerato. Non mihi si lingue
centum sint, oraq; centum. Ferrea vox, tan-
tam absurditatem satis improbare possem.
Non inter homines nata mihi hęc lex vide-
tur, sed in duris caucasi cautibus. Vnde tan-
dem

dem vi ventorum & tempestatum deuoluta,
ab hominibus intonsis & incultis, in peruer-
sis rupibus agere assuetis, nec ullo vnquam iu-
te, eque confederationis confociatis, temerē
reperita est. Qui homines cum postea casas
& edes simul conferre, ac pagos deinde &
urbes edificare cœperunt, temerē prius legem
reperitam, temere in suam Remp. receperūt.
Inspiciant autem mihi velim propugnatores
harum legum mores nationum exterarum:
vbi ordines sunt quoq; distincti nobiliū &
plebeiorum, & tamen vitę, cędesq; scelere fa-
cte nō distinguuntur. Non improbo ordinū
distinctionem. Quis enim hoc improbet, vt
alij virtutum vel suarum, vel auitarum stem-
matis tanquam testimonijs publicis vtantur:
alij qui nulla prestanti gloria excellant, non
item. Et certe Respub. omnes quę habent
vllum respectum virtutis, eę etiā rationem
nobilitatis habeant necesse est, vtpote quę in-
signe est quoddam virtutum. Quamobrem
etiā multa in Rebusp. beneficia habent no-
biles suę prerogatiuę. Funguntur honoribus
multis ad quos plebeij aspirare non possunt.
Quis autē sanus ferat disparitatem illam puni-
ende necis per scelus factę? Hominum sunt
illa inuenta nobilitas ac plebeitas, ab homini-
bus sunt gradus illi constituti virtutis vel
B testificande

testificandę vel excitandę causa. in his hominib^{us}
bus licet ingeniosis esse, quę ipsi cōstituerūt.
At quis sanus, inquam, ferat hominem legis
latorem in ijs ludentem, quę sunt Dei munes
re hominum generi attributa? Solus Deus
hōmīni dedit vitam: solus eam auferre debe
bat. Sed si quis per scelus illam abstulit ple
beio, cur minus punitur, quā si nobili ab
stulisset? Cur similem ob eedem alius capite
alius vilissimo precio plectitur? Cur ad sce
lus simile nobilibus animi adduntur, plebeis
adimuntur? Cur in eadem Repub. manent
nobiles cum plebeis, si non eiusdem legibus
vivere, non iisdem pœnis scelera sua volunt
vindicare? Ita viri nobiles, cum rerum ferē
omnium constituendarum, tum vitę plebeie
leuissimę, ac potius nihili estimandę, potes
tatem sibi sumpserunt: quāsi vel soli essent
in hac Repub. vel vitam plebeis suo benefi
cio dedissent. Hoccine est nobilitatis factū?
hoccine officium ordinis virtute fundati? Re
gum autoritate confirmati Reipub. benefi
ciji aucti & ornati? Mitto in presentia com
munem illum naturę omnis parentē Deum
ab ijs contemni, qui generis ignobilitatē con
temnant: Illud quero iccircone Respub. ordi
nem equestrem in altiore dignitatis gradu
locavit, vt ille tanquam ē curru quodam tri
umphali

40
umphali inferiorem ordinem despiciat, virtu
tes eius extenuet, vitam contemnat ac pro
nihilō putet? In alijs Rebusp. hoc non est,
vt iurēt enim dei lege qui pariter vitas homi
num ad suam imaginē conditorū estimavit;
ac citra vllā distinctiōnē edixit vt sanguis hu
manus sanguine vindicetur. In nostra Rep.
est Quid ita? defleximus ā recta via, deum
ducē abiicimus. permisimus nos insidendo
diabolo. Qui nos per inuīa abripit omnia, in
saxa & montes horrendos ducit, in abrupta
& confragosa precipites agit. Cum enim ille
mendax sit & homicida vt Christus testatur,
immisit in corda hominum mendacium im
portunissimum, vt illi vellent mortes homi
num scelere allatas, non capite vt Deus iusse
rat, sed pecunia vindicare. Hanc viam homi
cida ille, alteri suo operi nempe homicidijs in
finitis expeditissimam sibi struxit. Ita nulla est
orbis totius pars vbi fenestra sit maior aperta
homicidijs. Quis enim fando unquam audi
uit, homines carcere & pecunia plusquā me
tu mortis suę ab homicidijs arceri posse? vi
dete mores exterarum gentium. Videte (ne
procul vos allegem) vicinos nros Prutenos,
non eos tantum qui principis Alberti, sed qui
etiam regis nostri imperio subiecti sūt, videte
& eos Silesios qui nobiscum regis dicto sūt
obediens

obedientes. Qui utcumq; indulgeant sibi (vt
mos est hominū) in alijs peccatis, à cēdibus
certē, mœtu mortis prēsēntis sūt abstinenti
tiores. Viget enim apud hos populos lex di
uina capite plectens homicidas. Mirum verò
cur nō monemur his vicinorum ac potius
domesticorum nostrorum exemplis, qui
& ipsi regis imperio nobiscum obtempe
rant: hac certē re cultu legis diuine, sunt mul
tò foeliciores. Sed ferunt nostri equites pre
mium operis sui. Tot enim & tantis cēdibus
in sese mutuo grassantur ut prouerbio sit lo
cus apud illos quo dicitur malum consilium
consultori pessimū, dnbitatīs nē igitur patres,
inuentum esse diaboli nostram numationem
& imparem illam vitē cēdisq; hominum, esti
mationem: dicam enim id quod res est, atq;
id eo liberius quod mihi hęc oratio apud
vos habetur viros doctissimos, ac rei chr̄iane
peritissimus, oportere Remp. nostram aut
vniuersam legem dei recipere: siquidem chr̄i
stiani nominis titulo vult cēseri: aut exclu
dere cunctam, voco autē legem dei non quā
proprie Reip. mosi, sed quam generi mor
talium uniuerso tulit, inter quas illam legem
sanguinis sanguine uindicandi, numerandā
esse prioribus orationibus ostendimus. si quē
igitur Resp. omnibus alijs legibus recepti hęc
vnam

vnam excludat, eam qdem Remp. nullomodo
christianā esse contendo. notum est em̄ illud
Jacobinum qui fecisset omnia lege precepta,
vnam aut legē uiolasset, eum quidem eo loco
habendum esse ut si totā legē violaret, quod
si id uerum est de ijs qui humana fragilitate
delinquant, quid tandem de ijs statuemus qui
importunitate, temeritate, contumacia, atq;
ad eō lege contraria contra deum erecta, pec
cent. Neq; enim hic de ijs peccatis iam dispu
tandum est quē in fragilitatem humanam ca
dant: quē quidem tot & tanta sunt ut de ijs
sedulo rogandus sit deus ut remittat nobis de
bita nostra: sed de ijs quē, lege contra deum
lata, iam non pro peccatis, sed pro bonis ope
ribus à nobis habentur. O quanta blasphem
ia hęc est nominis diuini: quāta cōtume
lia maiestatis illius. olim precepit deus Ade
ut ne uesceretur de certo pomi genere: cuius
esus perniciem illi esset allaturus. Inuentus
est calumniatur ille mendax, qui menti ho
minis rem contrariam suggessit ut comederet
neque enim eum moriturum, sed fore potius
similem deo. Precepit postea idem ille deus ut
sanguis humanus sanguine uindicetur. In
uenta est natio hominum, quē illo mendacij
patte instigante non sanguine sed peccūa ho
micidium sanxit. An uerò uobis prēs nō hoc
Bij pecca

peccatum illud uidetur quod Christus uocet
in Spiritum sanctum; nunquam quidem re-
mitendum nec in hac nec in futura uita; neq;
enim fragilitate in hoc peccatur sed malitia
destinata. queso uos patres, si qui homines
excludere uellent precationem dominicam de
qua sibi à deo scirent precepta esse data, an
tales in numero populorum dei reponendi
essent, utcumq; seruassent omnes partes reli-
quas legis? non loquor de ijs qui omisissent
qualibet causa preclari: Tales enim permulti
sunt, & talia peccata sunt negligentie ac fra-
gilitati attribuenda: sed de ijs qui lege lata pror-
sus è sui medio exterminatam uellent preca-
tionem: Ego quidē tales in ecclesiam diaboli
prorsus reiecerō, age nunc cum illis ipsis pre-
cationem extrudentibus nostros solones cō-
parate. Suntne illis non quā similitimē vtriq;
profectō prohibent rem à Deo sancitam &
mandatam, Qui se, formula precandi expres-
sa, iussit inuocari, idem ille homicidium capi-
te plecti iussit: idq; non solis iudeis, ne quis
id calumniatur: sed vniuersę nature humane.
Nam & ante exortum Iudaicę religionis, &
in eius occasu uoce cęlesti hæc lex sancita &
confirmata est. Quod ego hic non difficile
historia sacra comprobarem, nisi rem totā la-
tissime prioribus orationibus prosecutus, fuissē.
Quid

Quid igitur de ijs statuendū putamus qui tur-
pissime abutuntur sua potestate efficienda le-
ge dei ex hac Rep. utro in regno numerandi
sunt dei an diaboli? quid enim restat tertium?
mihi quidem meritō atq; optimo iure in reg-
num diaboli vnā cum exterminatoribus illis
precationis, consociendi uidentur. neq; uerō
temerē hoc dictum existimari uelim. Ipsum
mihi uerbum dei potestatem dat & sentiendi
ita ut dixi & loquendi. Ipse christus ex patre
diabolo natos esse pronunciat omnes uerbo
dei aduersantes. Ipse affirmat eos cōtra se esse,
& secū non sint. Ac ne illud quidem facio, ut
iam diabolo adiudicandos putem illos exter-
minatores legis diuine: sed quale id factum
eorum sit, id ex uerbo Dei pronuncio: quod
recti & prauī norma est. Tamen si quid inter-
est opus damnes aliquod an eius authorem?
puniūtur enim qui peccauerunt: ornantur &
laudibus & premijs qui rem preclare gesse-
runt. Paulus hominem stupro notatum ma-
gno animi impetu cū tota ecclesia non dubi-
tat tradere Sathane. Cur igitur non liceat uos
bis, eadem uerbi dei autoritate predictis, eos
homines Sathane tradere, qui uerbo Dei ad-
uersentur? Etenim ille idem stuprator quod
fecit fragilitate humana fecisse putandus est,
Neq; enim interea ueritati resistebat: neq; id
faciebat

faciebat vt illam in Remp. vellet legem rece-
ptam, stuprum rem esse honestam. At legisla-
tores nostri animo obstinatissimo scietes vo-
lentesq; contra Dei, populorum, & na ure
ipsius vocem, legem numationis crexerunt.
Hanc tuentur & defendunt contra regis sui,
contra principum multorum, deniq; contra
populorum & fratrum suorum voluntatem.
Quis igitur istos dubitet esse diaboli instru-
menta, in quibus mirabiliter exercet imperiū
suum ille homicida: an igitur isti existiman-
di sunt in ecclesia Dei: an nō digni sunt, qui-
bus sacris, aqua & igni interdicator. Et q̄
nam me huc superior perduxit oratio, vt qd
isti Solones nostri cōmeriti videant, dixerim,
puto sententiam quid in ea re factū opus esse,
quamq; quasi medicinam huic malo adhibe-
dam putem, liquidius à me dici oportere. Is
em̄ tertius est locus à me in hac oratione per-
tractandus. Neq; vero id fecero patres, quasi
vobis voce mea preire velim: sed vt ne ea pars
desyderetur in nostra oratione. Turpe enim
esset de morbo dicenti, remediū fecisse mentio-
nem nullam. Illud igitur mihi ordinis vestri
esse videtur, vt qui q; in concionibus publicis
enormitatem sceleris tāti, quantū possit exag-
getet; atq; ad id faciendum ahortetur theo-
logos omnes, qui vel publicē doceāt in tēplis,
vel pri

vel priuatim operam dent peccatis hominum
audiendis. Haud scio an anni preterierint de-
cem, quod mihi pœna diuina, cuius toties mē-
tionem feci, de literis sacris sit cognita: qui ta-
men nō omnino rudis eram in biblijs sacris.
Quo mihi verisimile fit, plerosq; in hisce lite-
ris nunquā versatos, etiamnum huius rei nō
satis exactam habere cognitionem. Nam vt
cunq; feriant voces illę eorum aures: Tamen
non satis fortē in animum demittūtur. Ita fit
vt non serio tangantur cura tantę rei. Res mi-
hi itaq; digna videtur, vt omnes ecclesię, om̄s
scholę personę vocibus istis. Improbetur
quāmaximē numatio nostra: turpitudō eius
& incōmoda, quę secum trahat ob omnium
oculos exponantur. Credite mihi patres hoc
remedium non fore inutile morbo numatio-
nis depellendo. Est & illud alterū cuius pro-
ximē mentionem feci, vt cōtra rebelles & Dei
verbo repugantes gladius ille exeratur: quē
Paulus cū ecclesia Corinthiaca in stuprato-
rem illum exerendum putauit. Profecto em̄
exterminatoribus istis tanquā reis, capitis q̄-
dammodo causa dicenda esset: aut certē iudi-
cium in eos ex formula à Christo expressa cō-
stitiendum: ac nisi resipiscant atq; actiōibus
à Deo mandatis vitę emendationem testari,
C ac pro

ac promittere velint, sententia excommunicatiōis
in eos ferenda: qua illi se non Christi: sed di-
aboli membra, nisi in viam redeant, esse cog-
noscant. Non enim excommunicatio ob tantū
facinus in legem Dei commissum, vana que-
dam & inanis sententia putanda est: sed que
secum & in hac vita trahat pœnam & cala-
mitatem præsentem: & in futura, nisi qui rei
sunt resipiscant, perpetuos ac nunquam fini-
endos cruciatus. Quemadmodum & Paulus
Corinthium illum quem ob stuprum ex cœ-
tu eiecerat, profitetur se Sathanę dedisse vexā-
dum & affligendum: & Silconis scribam ab
Ambrosio propter falsi crimen excommunica-
tum, furore correptum fuisse, ex historia ipsi-
us constat. Et à Christo non obscure signifi-
catum est, eos qui sententia huiusmodi eccles-
iæ in terra damnati sint, in cœlo quoq; dam-
natum iri. Quod si id insolens videatur, vt fa-
cris arceantur isti tyranni, illud tamē credo fa-
cultatem habere poterit, vt theologi, qui pec-
catis hominum examinandis priuatim vacāt,
hoc malum iustissimis propositis causis exag-
gerent: ad pœnitentiā istos tyrannos in-
uitent. Quę quidem pœnitentiā vera esse, nō
potest nisi resipiscant: ad frugē sese meliōrē
recipiant: atq; id eorā ecclesia, actiōibus à deo
mandatis

mandatis testentur. Quemadmodū Ioannem
Baptistā p̄clare concionatū accepimus, regnū
Dei p̄pe esse ijs q̄s vite prioris pœniteat, q̄q;
fructus edant pœnitētia dignos, Quod si qui
sint, qui peccata confessi huiusmodi resipiscē-
tiam defugiāt, ijs quidem nulla absolutio im-
pertienda, nulla delicti venia danda est. Quo-
modo enim scelere solueretur, quem non pœ-
niteret factis quo modo autē eum pœniteret,
qui sui similis esse pergeret, nec operibus deo
placentibus vitam se suam emendatum ire tes-
tari vellet. Ligandi igitur tales sunt vi ver-
borum dei in terra, vt ligentur & in cœlis, ar-
cendi sunt prorsus à sacramento corporis &
sanguinis domini, qui se nec sibi ipsis, nec ec-
clesijs probare possunt. Et id quidem de So-
lonibus qui numationem tuentur dictum sit.
De homicidijs porro ipsis, & de eorum varie-
tate, & si quędam in Lacio diximus: Tamē
hic nōnulla addemus. Homicidia iusto quo-
dam dolore cōmissa leuius apud ethnicos pu-
niebantur vt de Oreste accepimus, qui cum
vlescendę necis paternę causa, matrem occis-
isset, hominum consuetudine exclusus erat:
signūq; quo ab hominibus homicida cogno-
sceretur publicę ferebat. Is em̄ mos temporū
illorum fuisse videtur, exempli causa institui

us ut ne alij ad similia facinora preclives es-
sent, & ipsi homicide vitam emendarent, ac me-
liores esse discerent. Itaque signum quo scelus
suum quasi publice confitebantur, tantisper
gerebant, dum tempore luctus exacto, certo
ritu, & quasi publica poenitentiae testificatioe
coetui hominum restitueretur. Non dissimile
est quod a Christianis Episcopis usurparum
olim legimus. Ut cum Theodosius senior im-
perator Romanus vindicando caedem militis,
iniustam quidem illam, sed tamen seuerius pu-
niuisset, ac propterea plures equo necari ius-
sisset, ecclesiae communionem ab Ambrosio ex-
clusus erat. Cui quidem communioni non prius
restitutus est, quam strato tempore in poeni-
tentium numero squallidus signa poenitentiae
publice edidisset, pronus in terram procubuis-
set, omnesque satisfactionum leges homicidis
prescriptas impleffet. Et quidem Ambrosio iu-
bente & prescribente, Theodosius magna ani-
mi equitate executus est. Deus etiam varias
infligit poenas homicidis, ut regem Dauidem
ita puniuit, ut & regno eijceretur, & sapientiae
ac virtutum gloriam perderet. Casu pepe-
trata homicidia, & quae tuenda vita nostra a
nobis admittantur, aut nulla poena aut fere
etiam exilio puniri debent, ut in libris Numero-
rorum

torum proditum extat, & nos in Lascio fusis
us demonstrauimus. Ceterum de ipsis homi-
ci dis, qui voluntaria caedem perpetrarunt, to-
ties sententia diuina repetita est. QVI volens
hominem occidisset, eum quoque occidi neces-
se esse. Et, NON accipiendum precium ab
eo, qui reus sit sanguinis, sed eum quoque mo-
ri debere. Sed de homicidijs satis. DE propu-
gnatoribus vero Polonice numationis an, ad-
huc dubitamus puniri eos debere: an impuni-
tatem habebunt & licentiam sempiternam ad
caedes nefarias homines sceleratos armandi: pro-
fecto enim auctor sceleris esse putandus est,
qui cum potestate existens, vel non puniri
vult, vel non pro eo puniri ac equum est, pec-
cantem. Praclare illud dicitur, quod nos in La-
scio rationibus adhibitis planum fecimus, con-
sentientes & facientes pari poena puniendos
esse. Id si admittimus: numationis defensores
simili poena cum homicidis puniendos esse,
admittamus necesse est: Sin hoc durum esse
videatur, quae iustior poena in eos erit, atque ea
qua de libris religionis nostrae exposui: Quod
si ex coetibus Christianis raptores decimarum,
manuum in presbyteros iniectores, templorum
violatores, eijciuntur, an ferendi sunt isti, qui
numatione defendenda, quasi gladium portan-
tia

gunt homicidis: Iure igitur optimo ab eccle-
sia efficiendi, sacris arceudi, aqua & igne om-
niq; humana consuetudine priuandi sunt.
Hec mihi medicina patres, morbo de quo a-
gimus adhibenda videtur, non certe aliena
munere vestro, ac vix est (quod ego sciam)
alia, que ab hominibus ordinis ecclesiastici
confici possit. Neq; vero crederem eam me-
dicinam in ecclesia Dei multum valere posse,
nisi & a Deo ipso propositam, & a prophetis
ac apostolis vsurpata viderem. Quorsum
enim illa? clama, non cessa: Sicut tuba exalta
vocem tuam: exprobra populo scelera sua:
argue fratrem primum nemine conscio, de-
inde aduocatis testibus, postremo nisi resipua-
erit, dicito ecclesie, & que deinceps sequuntur,
sunt enim nota omnibus. Ad hec accedunt
apostolica dicta factaue vt, argue oportune,
importune. Viuidus est sermo Dei, & acuto
omni gladio penetrantior. Exemplum etiam
notum est Pauli, quod in stupratorem edidit
efficiens illum de ecclesia: sed magis horrendu
& plane tragicum Petri, cum Ananias & Sa-
phira mentientes spiritui sancto, vi verboru
illis collapsi expirarunt. Non igitur vulgare
remedium putate patres, quod non de meo
sensu, sed de literis mysticis recitauit.

Iam

Iam nihil necesse esset, vt officij vos admo-
nerem vestri, nisi ordo vester negligentie hac
in causa vulgo notatus esset. Dicam omnino
libere, vt decet hominem veritatis amantem,
atq; hoc in loco, hocq; in confesso dicentem.
Vos si equis animis audieritis hanc reliquam
orationem, magnum dabitur documentum
vos vt decet homines veritati amicos, liberta-
tem sententie dicende non aspernari. Profe-
cto pleriq; homines non prorsus stupidi plus
in vobis qui estis in Senatu desyderat officij
in dicenda sententia de hac causa. Neminem
vultorum nominabo. Et sunt inter vos quo-
rum sententia vituperari non possit. Eorun-
dem tamen constantia & contentio in dicen-
do agendoq; maior iure desyderatur. Sed
erunt qui de viuis post fata loquentur. De eo
qui nuper e vita migravit loquar Sebastia-
no Branicio Posnaniensium Episcopo: Ete-
nim ille ab hinc triennium, cum vnus ex ijs
esset, qui viribus patrie emendandis delecti e-
rant, rogatus de poena homicidij sententiam,
ita dixit, vt nullam prorsus poene diuine me-
tionem faceret. Erant quidam in eo delecto-
rum numero, qui eius pertenuem, sed tamen
nonnullam, & quasi in uanescursu, mentione
fecerunt. Erat etiam nonnemo qui ei prorsus

Cum reclamare

reclamare visus est. Branicius verò periculis
ex numatione redundantibus copiose enu-
meratis, poenam vsitatam duplicare voluit.
Tunc Branici probare te posse hanc senten-
tię dictionem tuam bonis viris existimare: ne-
cesse est enim aliquod horum esse, vt vel lex
diuina tibi fuerit ignorata: aut nulla cura as-
fecerit te illius: aut tibi fuerit odiosa: aut mo-
tu aliquo abductus sis ab eā suadenda. Igno-
rantiam pretextere non potes, qui legum diui-
narum & religionis cultos fueris & antistes.
Odiosam verò quomodo tibi fuisse diceres,
nisi te à Deo hominibusq; summi sceleris cō-
demnatum velles. Quòd si nulla tibi cura fu-
erit illius suadende, dolendum est sanè tales
eò loci esse, vbi eam possint, non velint de
Deo benemereri. Neq; verò minus dolendū
est, si timore tacitā reliquisti veritatē di-
uinā, pro qua nemo bonus, cū opus est vitam pro-
fudere recusat. Multo melius & Ambrosius
Mediolanensis, & Stanislaus Scepanęus
Cracouiensis episcopi sanctissimi. Quorum
ille in Theodosium imperatorem Romanum,
vt proximè dixi, ob plures quàm equum erat
homines, iussu ipsius trucidatos ecclesię com-
munionem priuandum putauit, nec eundem
tunc poenitentię publica significatione, eidem

commu

communioni restituit. Iste verò Regem Bo-
leslaum ob tyrannidem non minore seue-
ritate etiam ex communione eiecit. O viros
verè heroicis. O pastores vigilatissimos, qui
non pro lana, vt aiunt, caprina, sed pro salute
ouium suarum certamen cum lupis suscipere
non formidant. Comparete mihi cum
tanta illorum virtute celatum argentum, ves-
tes preciosas, census, satellites, & splendida
tecta, quibus se homines nostri temporis ma-
gnificos fieri volunt, an non hec omnia mi-
randum in modum sordescunt. Sed de Am-
brosio multa preclara monumentis literarū
prodita sunt Stanislai exemplum nobis certe
est domesticum, dignum sanè quod omnes
boni, sed in primis ecclesiarum duces imiten-
tur. Etenim ille ne mortis quidem metu per-
terri potuit, quo minus in Regem sceleros-
sum acerrimam ac fortissimam sententiam
ferret. Hunc virum preponite vobis viri am-
plissimi ad imitandum, si veram & solidam
gloriam, apud Deum & homines nunquam
intermorituram consequi vultis. Enimverò
vobis multo facilior est ratio rei conficiende
quàm Stanislaui. Ille enim Regem habuit si-
bi maxime infestum, amentia precipitem, im-
ni diritate ac immanitate teterrimum. Vos

B v regem


Regem habetis in hac causa studio mirabiliter precurrentem, à vero constanter stantem, atq; omnes suos quasi sublato signo ad veritatem vocantem. Turpe vobis est vinci ab aliquo in ea re, cuius vos principatū appetere, & certo tenere debetis. Erat Stanislao insolentia; ac potius immanitas Regis fuerit, si agenda ac continēda. Idēq; usq; eo persecutus est, vt ob id tandē quali victima Regis manu ad aram sacrā mactatus fuerit. Vobis verò Rex metuendus non est: sed summa potius obseruantia colendus. Preit ille vobis iam pridem voce sua. Hunc vobis ducem non strenuē subsequi turpe fuerit. At verò vos non subsequi tantum ac vestigijs Regis insistere, sed rem ita coagmentare potestis vt eandem facilius ad exitū perducatur. Ostendi enim quā tum potui rationes proprias muneris vestri, quibus facile contrauenire resistantibus positis. Nunquam mihi credite successus habebit prosperos hoc negotiū, nisi quasi iunctis vmbonibus certamē contra rebelles susceperitis, nisi contentionem & perseuerantiam in agendo maximam adhibueritis. Quod si vos hac in re hastas (vt aiunt) abieceritis, neq; vos ad rationes Regis diuinas aditaueritis, neq; vestras vobisq; in muneris proprias prosequi


quiti fueritis, que tandem spes religioni ac Reip. à vobis esse poterit in arduis & periculosis rebus si eam in re periculis uacua deseritis: an vos Stanislao vnquam futuros sperabimus: an tyrannidem in Rep. (si que extaret) à vobis oppressum iri putabimus, si pia principis vestri studia, propter quorūdam inueteratam potentiam vel profus non iuueritis, vel non pro eo ac decet iuueritis. Sed speramus de vobis meliora. Agite igitur patres amplissimi. Patrie à vobis omnia preclara expectati succurrite. Videtis in vos solos hominum oculos esse conuersos. Illi à vobis petunt vt oraculo diuino in hac Rep. possit esse locus, qui estis dei oraculorum custodes & interpretes. Quo enim miseri se vertant: an ad Regem suum: & ille quidem diligentissimam operam multos annos adhibet legi diuine sancte faciendę, dignam quidem principe Christiano: sed nescio cur tot sanctę eius hortationes neglectui habeantur: an ad alios viros prestantes qui in eadem sunt sentētia cum suo Rege: at eorū quoq; autoritas nō pluris est autoritate Regis. Ad vos igitur Rex, ad vos principes multi, ad uos pleriq; equitum, ad vos omnes boni se conuertunt, vos intuentur, vestram opem desiderant. A vobis postulant vt qui


sacris

factis præestis, sacrām Dei legem in Remp.
recipi curetis, vobis commendant existimatio
nem huius patrię, vt, quę apud omnes nati
ones male ad hunc diem audierit propter ido
latriam numationem, recreetur aliquando,
lege Dei recepta, fama meliore. Respicite pe
ricula, quę cum numatione coniuncta sunt,
& cedes innumeras per summā licentiam fa
ctas. Vulgares sunt iste, quę veluti animi
causa fiunt, vel in itinere, vel in symposijs. Ille
rariōres olim erant, sed iam increbuerunt, cū
quidam humanitate omni exuti, in sexum
mūliebrem seuire, pietatem sedere, germani
tatem violare, sanguine fraterno manus suas
madefacere audent. Non iam frater à fratre
tutus, non vxor à viro, non vir ab vxore.
Trucidantur passim & prophani & sacerdo
tes: Tempła & cœmiteria violantur: arę san
guine consperguntur: Iura omnia & diuina
& humana scelerate peruertuntur. Quid, an
illud non nouum? vim aliquibus vestrum
qui cū potestate estis gladiatores isti denun
tiant: Ignem, crudelia omnia, ac cede ipsam
minantur: profitentur id literis, ferro cruore
tincto, ligno semiuustulato. Quamobrem?
Quia eos putastis ob cedes sacerdotum ex
templis edicto legitimo eneciendos. Isti igitur
si poena

si poena diuina fuissent puniti, an essent me
tuendi? Hęc cum vos & quemque bonum
plurimum debent commouere, tum in primis
curandum est ne hęc macula numationis, ne
dedecus, ne scelus turpissimum, quod hanc
Remp. ad hanc quasi senectam suam proles
cutum est, idem ad extremum eius diem &
quasi ad sepulturam ipsam cōcomiteatur. Ete
nim tempus mutationis rerum prope instare
animi hominum non prorsus stupidorum,
nescio quo pacto presentire videntur. Ani
maduertunt mundum quotidie magis quasi
senescere, hominū malitiā crescere: Signa diu
nitus olim p̄clara multa cōcurrere, vel maxi
mi belli, vel rerū inclinationis prenuntia. Vt
igitur macula illa numationis, Reip. nostre
inusta aliquando tandem eluatur, profecto
ratio officij ac potius pietatis, quam patrię
debemus, nos omnes hortari debet. Cuius rei
procurande in re ferē desperata & ab omni
bus deserta vobis in primis facultatem ab ip
so Deo reseruata purate. Quamobrem per
Deum immortalem cogitate hęc vobiscum
patres: in rem preclaram tota mente, totoq;
animi impetu incumbite. Date gloriam Deo
immortali: numationem ex nostris finibus
extrudite: Reip. Christianę legem suā reddite
Conspirate







Biblioteka Jagiellońska
Pracownia Konserwacji
Katarzyna Mazurkiewicz
1969 r.

